

四庫全書

集部

欽定四庫全書

皇清文頴卷九十

詩

七言律詩

恭和

御製翰林院宴畢

駕幸貢院七律四首元韻

鄂爾泰

萬歲千秋記此辰
棘闈寂寂比荒園
幾聞

玉趾移亭午來自詞垣論曰辛量校不收無行客獎成

深許讀書人

御製句云從今不薄讀書人凡見者聞者莫不感奮

薔薇桃李皆舍

澤中候凝和豈待春

政術頻煩喻鼎台科名

殷望屬英才南朝風月徒為耳北斗權衡有是哉欲網

鳳麟希世出默祈忠孝待天開文章報國談何易端委

須從性道來

御製句云志聖賢志應須立言孔孟言大是難臣盥手莊誦頓發深省不敢作文字

觀

鴻翥鵬盤祇自搏底曾雲路可相干飽溫無意償三試
軾轍稱名匹二難國器半為貧賤士棟材常起末微官
恩懷甲乙惟賢俊衣鉢矜傳局已殘

試院停

鑾午漏沉奎堂吟續壁堂吟鼓山木美工求大埴井泉
微汲戒深持玉尺衡迷五色授朱衣柄譟儒林兼銜早

媿知人哲

臣於大學士任曾叨
恩命兩主春闈

精白長應矢此心

恭和

御製翰林院宴畢

駕幸貢院七律四首元韻

張廷玉

參差萬瓦麗霜辰
鎖院森沉儼列闈
禮樂重光逢甲子
文章乘運化庚辛
三年黃卷雙書日
五夜青袍索筆人
共道

聖朝深雨露
菁莪同領四時春

帝車五色煥中台
冠劍雍容集衆才
從邁魯詩賡戾止
和歌虞陛詠明哉
蘭臺畫戟凌晨啟
蒞榜春華計日開

當代崇儒超往牒棘闈驚喜

至尊來

杳靄青霄墜復搏科名曾說落方干荆山有泣前人惜
滄海無遺自古難雪案辛勤憐素士冰衡公慎賴專官
宸章敬誦纏綿語忍使孤桐委爨殘

析鈴周匝漏初沉七度龍門聽苦吟

臣自通籍迄今分校禮闈者三典鄉

會試者四鵬鷄盤雲秋翮健琳瑯堆几夜堂深敢云一顧羣

空冀但願多材萃作林此日

屬車叨侍從拜颺仍矢昔年心

恭和

御製翰林院宴畢

駕幸貢院七律四首元韻

福敏

珠斗輝澄仰北辰城魚舒鑰啟重闥崇文共識天開甲
食德渾忘力學辛鳳舉鴻軒皆翬運玉衡金鑑定知人
翠華是處爭先睹早覺陽和徧小春

百僚濟濟步三台總是中阿樂育才禮樂於斯為盛矣

文章亦幸有神哉珠呈滄海紫光耀玉剖荆山朗鑑開
爭羨風雲多會合韜藏曾向霧中來

九秋健翮趁風搏氣象應教彩筆千直上龍門原不易
禿來兔穎亦良難懷文更望能尋道學古方無忝入官
努力

明時須愛日桂林多少悵花殘

返轡重城日未沉錦囊隨

輦入高吟文壇氣映風雲壯才士

恩沾雨露深歡動青袍迎

彩仗欣看丹桂倚華林

興朝盛事書惇史觀感能無報稱心

恭和

御製翰林院宴畢

駕幸貢院七律四首元韻

陳世倌

文明景運應昌辰鎖院巍巍接帝闈萬里風雲期際會
十年燈火最艱辛詩書湫世還成俗科目掄材在得人

自是

皇心周士類

親臨盛典紀千春

明明魁柄指三台
珊網期收俊傑才
針芥暗投非偶爾
鵬鵬能化亦神哉
禹門浪擊桃花暖
月殿香飄桂蕊開
從此士林須努力

至尊曾幸棘闈來

雲程空濶待鵬搏
誰道弓旌可易干
文體要從心術正

功名無愧

主恩難特隆
貢舉參羣議
為待賢才設
衆官敬讀

宸章生感奮
定無人歎
爨琴殘

明遠樓高漏點沉
撚髭欲斷費搜吟
千門月色人聲靜
萬舍燈熒夜氣深
名姓忝曾登茲榜

恩榮遂得廁瓊林
回思四十年前事
生植均闢造物心

恭和

御製翰林院宴畢

駕幸貢院七律四首元韻

史貽直

棘圍光氣逼星辰

翠葆霓旌拂綺闌

聖世不忘羅俊彥儒生誰敢憚艱辛徘徊滄海探珠地
惆悵荆山獻玉人桃花花前鼓桂後

恩波無限逗陽春

奎斗星明接曙台

恩綸稠疊勵羣材誰為國士無雙者共仰

王心克一哉人說登瀛仙路迥

帝殷籲俊仕途開龍旂還向龍門度

鳳輦省從鳳沼來

九萬鵬程向此搏雲連矮屋月闌干漏催蠟淚終宵易
筆走蠶聲得意難校藝場中迎

黼座儒生隊裏擁從官躬逢

聖主旁求切莫恨柯亭爨竹殘

分題握管暮沉沉曾向簷帷剪燭吟幸際風雲依

禁近多慚雨露沐

高深

聖朝會見麟遊囿泰運方省鳳在林禮樂百年瞻至治
薦賢為國有同心

恭和

御製翰林院宴畢

駕幸貢院七律四首元韻

任蘭枝

翠華臨幸動星辰鎖院光輝照畫闥帳影連雲移甲乙

琯聲調律換庚辛周官久重賓賢地漢典勤求射策人
共仰

皇情富追琢菁莪詩裡露垂春

霞標千仞麗天台特敞東堂待俊才駿買金臺省正爾
鳳鳴桐樹咏良哉粉袍鵲立秋飈爽文陣虹騰曙景開
萬舍崢嶸添氣色

龍旌曾駐此中來

爭言霧變與風搏珊瑚網層層寶氣千鵲抵崑山論壁易

蚌沉滄海覓珠難
榜期龍虎皆名士
事羨歐梅作考官
舊忝

深恩持玉尺
南宮連署粉毫殘

學市槐疏花影沉
風簷四壁起長吟
文章報國情原切
俊又招弓道更深
採徧琨瑤皆入貢
收來梓杞自成林
大科從此人相賀
鼓舞咸知

聖主心

恭和

御製翰林院宴畢

駕幸貢院七律四首元韻

彭維新

盛事連綿集令辰
鸞聲噦噦指東闈
羣瞻日馭當亭午
更向風簷恤搢紳

聖意厚期天下士
儒流寧讓古時人
棘闈舊是興賢地
玉輦經臨處處春

文昌躔次近三台
月露風雲祇費才
不媿科名斯卓矣
無求溫飽詎難哉
朝經暮史根源在
秋桂春花接續開

結網殷勤非漫爾

皇家元待鳳麟來

扶搖九萬積風搏根托高山見射干登第敢言酬志易
持衡當念得人難幾多春夢耽榮路莫遣冬烘誚試官
豈乏殊材涵古淡知音應惜爨桐殘

食葉蠶聲夜漏沉燒殘樺燭尚微吟從來雲路艱辛處
何意

天臨軫恤深

翰藻榮輝垂試院縹緗

勅賜徧儒林列行縫掖瞻

龍袞四表歡傳

樂育心

恭和

御製翰林院宴畢

駕幸貢院七律四首元韻

張照

槐花落盡及冰辰龍罩紛蕤拂綺闌何事

至尊遙戾止為憐士子絕艱辛打頭屋矮風兼雨落手
蛟騰天與人胥入

重瞳迴注裏拈毫灑作藝林春

消磨髮背作黃台猶向春卿舉茂才方寸難忘餘習耳
三千斯擊亦悠哉月含清淚光如瀉筆有真花夢亦開
滌慮束身歸義府未妨得得十回來

蓬梗因風萬里搏雷槌何礙倒題千讀書始見民情易
窮理方知帝命難棧樸小材湏就育圭璋大德不名官

文昌風月三千界莫使仙枝取次殘

如鱗萬舍杳沉沉想見風前墨叻吟人樂簪花諧所願
帝憐剛璞意何深欲教麟鳳遊郊藪先要琅玕溢泮林
賢有司今寰海遍尚敷文德叶

皇心

恭和

御製翰林院宴畢

駕幸貢院七律四首元韻

汪由敦

三霄滑露渥昌辰

仙仗重移向綺闈直為蓬山均

愜澤更從棘院

軫寤辛繡楹

寶帖榮觀國王版

奎章懋作人試看和風吹長養八紘隨處布陽春

御製詩并

御製書聯扁額發

直省貢院恭奉勒石

奕奕虹光燭斗台百年羅網育真才鳳凰鳴矣梧生矣

元首明哉士勗哉月窟桂飄仙路迥春江杏倚上林開
誰知鱗次風簷隘特荷

君王玉趾來

鵬背曾看九萬搏門高詎敢寸私干披沙不道求金易
抱璞應憐獻玉難黎獻萬邦傳帝典賓興三物本周官
詞源學海敷

彞訓未許區區但守殘

鎖闥畫靜漏森沉幾度煎茶記舊吟

蘇軾有試院煎茶詩

樺燭敢

辭通夕倦冰衡頻忝被

恩深珠璣百琲涵滄海杞梓千章蔚鄧林多少迎
鑾魚雅士欣欣就日見葵心

恭和

御製翰林院宴畢

駕幸貢院七律四首元韻

劉統勲

盛事喧傳共此辰一聲

清蹕徹重闈詞垣已慶新丹雘棘院還蒙

念苦辛在藻依蒲辭舊侶擔簦躡屨有勞人

天文朗耀懸珠斗徧燭鱗鱗萬舍春

聚奎有象應星台勉爾旁求得俊才

王國為楨洵美矣臣心如水尚欽哉菁莪不向私門頌

桃李偏連上苑開何幸青衿瞻黻冕

至尊親到禮闈來

雲鵬有路九霄搏燕雀休憑弱羽千價比連城真贗別

目迷五色鑒裁難

訓言剴切垂貞石典故殷勤

問禮官多士幾人能立志遺經長對短檠殘

風簷想像漏聲沉跋燭含毫入夜吟此地幾經文思苦

今朝一顧

聖恩深璫璣器重光崑圃梁棟材多茂鄧林三復

宸章同拜手洪鈞陶鑄見

天心

恭和

御製翰林院宴畢

駕幸貢院七律四首元韻

阿克敦

恰逢陽月最佳辰

特典傳宣遍九闔纔向花磚

親翰墨更從棘院

軫艱辛搜羅每下求賢詔褒贊終期索筆人此日

翠華勞警蹕千秋文苑總會春

文昌司命屬三台玉尺金臺校衆才天地篤生寧偶爾

國家培養亦深哉誰將美錦心為製漫道紅紗眼未開
好待春風秋露日持衡一矢潔清來

養成毛羽自飛搏厚祿休將末學干海底千層收欲盡
竿頭百尺進猶難曲江高會題仙籍雁塔芳名重禮官
次第上林花信到莫教嘉實鳥銜殘

芹生玉井碧香沉海宇欣傳

御筆吟下士有懷無不達

聖情能鑒一何深焦桐留韻歸宵雅秀木儲材積鄧林

共識

垂衣敷大化鈞陶萬類荷

皇心

恭和

御製翰林院宴畢

駕幸貢院七律四首元韻

梁詩正

鑾輿臨幸及霜辰棘院深嚴傍

帝闔四海早瞻文煥爛

九重猶念士艱辛
風簷暑促通經彥
雲路梯攀射策人
從此

恩流登俊地
陽和分取藝林春

奎光煜煜燭乾台
自古瑤林萃衆才
三載賢能書盛矣
百年禮樂運皇哉
魚龍變化隨春動
桃李繽紛向日開
金榜更垂

天筆麗旁求

令典式將來

萬仭瓊霄鶚羽搏青雲入望盡思千漫言場屋科名易
須識

朝廷拜獻難白首一經憐下士丹鉛三復重簾官升沉
祇判持衡手莫使搜芳桂獨殘

冬冬院漏夜初沉猶記當年抱苦吟宮燭分來催草就
句臚唱罷被

恩深久咀橄欖回初味敢侶鸞凰忘舊林他日倘教量
玉尺勉承

明主愛才心

恭和

御製翰林院宴畢

駕幸貢院七律四首元韻

錢陳羣

燦爛文昌拱北辰垂芒下照

帝城闔時清真見才師濟

主聖偏知士苦辛樺燭閃風吟卷地青衫似草計偕人

拜瞻

天仗聞

天語輦路如隨有脚春

人間有路接中台鎖院曾量斗石才試已至三亦足矣

拔能得五儘佳哉晷移蝸舍千行列雲擁龍門四扇開

最憶年時文戰北蹕蹕六七番曾來

臣陳羣曾應京兆試五南宮試三而

成進士

羽儀王國待扶搏不是尋常挾策干擢秀鄧林心匠巧

求珠赤水夜光難瀾翻舌本推文傑冰作頭銜屬試官

珍重

至尊延佇意摩抄莫厭漏聲殘

花開桂落寫升沉七字

宸章萬遍吟求士何妨求驥比愛才真與愛民深華簪
自昔憐初服玉筍經春戀故林寒畯一時齊忤舞敢將
志業答

皇心

恭和

御製翰林院宴畢

駕幸貢院七律四首元韻

德齡

吾

皇籲俊練良辰鳳旆虹旌集錦闈祇為賢能勞寤寐特
於科第念艱辛虞門穆穆傳賓俊周雅芃芃賦作人十
月芳華香擁

座濃恩暖應小陽春

昇平有象協三台藹藹

廷多黼黻才已遣旌旄問姝者更同喜起詠熙哉蒼龍
彩抱

宸章動若木華連

睿藻開自昔騁駟矜一顧爭看千里籟雲來

直上清秋翼並搏伐檀那復置河千石多似玉分須急
金必披沙揀最難郊遂已看移不帥賓興惟待論為官
聖朝樂育同天地何況琴材爨未殘

井亭桐葉影沉沉曾記當年事苦吟奔走未酹官爵重

文章詎報

國恩深嘉祥久兆芙蓉鏡盛事彌誇桂樹林幸上星辰
隨曳履惟期不負讀書心

恭和

御製翰林院宴畢

駕幸貢院七律四首元韻

塞爾赫

鑾輿臨幸趁良辰棘院崇墉接綺闈三載方窺魚變化
九重先念士艱辛興賢選俊

明廷典篝火聽雞皓首人愛物

天心揮玉藻龍門十月暖於春

三公昭德映三台濟務湏憑選達才進退於茲豈偶爾
股肱自古重良哉春風二月天桃發瑞露三秋丹桂開
臣愧愚頑仍分淺未能此地唱名來

青衿鵠立擬雲搏射策原非祿可干多士漫矜登第易
昔人端底歎才難翻飛遮莫騰雙翮隕越常憂曠一官
只為懷

恩勉衰老肯隨霜葉就凋殘

聚奎堂外晚烟沉

輦路簫韶龍鳳吟

誥誡常聆

天語切栽培益感

帝恩深掄才自此澄冰鑑
擣藻應看煥藝林千載一時

期共勉莫教辜負

聖君心

恭和

御製翰林院宴畢

駕幸貢院七律四首元韻

秦蕙田

瀛洲雅燕洽良辰

帝輦還巡鎖院闈

九陛

溫綸垂藻汗一時寒士釋酸辛容光不隔通微照棘地

初傳

警蹕人瞻典千秋書甲子龍門十月普陽春

奎垣瑞氣近三台

聖世賓興禮上才燒尾浪高非偶爾穿楊心苦亦微哉
人稱冀北驂騮壯天與文昌日月開此際風簷瞻

翠葆殊榮偏喜話從來

培風壯叟義飛搏直上青雲未易干下乘只今愁任重
治朝從古說才難正期志節侔三代詎以文辭貿一官
寸晷厚叨

勤恤意寒窓忍愛雪燈殘

紫陌迴鑣日未沉
光昭雲漢麗高吟
百年典寄權衡鉅
七字恩同覆載深
畫燭那知輝

鳳藻青衫從此重
雞林昇平盛事榮
稽古情竭難傳報
稱心

恭和

御製翰林院宴畢

駕幸貢院七律四首元韻

勵宗萬

霓旌翠葆拂星辰一片非烟散綺闥

特幸文場觀整肅深憐舉子備艱辛日邊氣吐青雲客
山外觀回泣玉人四首

宸章勤慰勞枯桐殘桂總含春

慎遴冰鑒自奎台力屏囂浮拔異才九載

旁求思切矣幾回

申命曰欽哉化承累洽滋培厚運始中原氣象開注記

一時多

曠典賡歌纔自玉堂來

鵬鶚乘秋奮擊搏何曾老去屈方干盡除宿弊持衡易
特命新題剗說難入彀文雖知有數抱才人不患無官
雞窓自此都勤學書卷寧供蠹蝕殘

三條燭盡漏聲沉記得風簷擁鼻吟僥倖昔年為學淺
科名奕世受

恩深漸省暖律回寒谷又聽嚶鳴滿上林萬彙均歸
陶鑄裏傾陽惟有竭葵心

恭和

御製翰林院宴畢

駕幸貢院七律四首元韻

張若靄

百年容易值茲辰拜聽

新綸出禁闥

鸞輅乍臨爭舞忭雞窓回憶倍艱辛典隆獻榮明經地

念軫風簷雪案人何幸

天顏親指顧一時矮屋盡逢春

文昌炳炳麗中台嶽降嵩生有茂才舉矢成驕良巧矣
茹荼得蔗亦佳哉珊瑚網密殷勤護桃李陰濃次第開
聖治休明儒術重觀光爭向

日邊來

碧漢迢迢彩翼搏鵬飛誰復敢私干風雲際會翱翔易
雨露涵濡報稱難夜永朱衣陰相士春遊紫陌待除官
盛朝最慎量才尺那惜三條燭蕊殘

銅壺聽徹漏沉沉廡下人還擁鼻吟得第詎忘雲路迥

崇儒今荷

主恩深明珠喜見來滄海小草先教托上林從此單寒
依廣廈昭回雲漢答

天心

恭和

御製翰林院宴畢

駕幸貢院七律四首元韻

嵩壽

帝德乘乾撫五辰制開棘院麗城闈雲程千丈真騰躍

雪案三冬歷苦辛
筆落風生能肖物
衡懸冰鑑故由人
即今

上苑看花滿多是
寒枝後試春

祥雲瑞靄護三台
天佑

明時鍾異才
金鼎調羹能辦矣
龍門發軔信奇哉
如椽
鉅筆千鈞立
射斗文光一道開

聖念特憐多士
苦棘闈欣見

翠華來

長風共擬學鵬搏遇合由來不可干溫飽志曾除却未
科名籍要克當難探香月窟推佳士搖珮

金鑾拜列官漏盡清宵文思湧恬吟那計燭光殘

參差雉堞影沉沉鎖院風清入夜吟駿足應圖來絕遠
珊瑚啟網出重深爬羅文采絳抽繭澹蕩韶光花滿林
溫語數行

宸矚近春和育士

聖人心

恭和

御製翰林院宴畢

駕幸貢院七律四首元韻

張鵬翀

禁苑行觴燕吉辰
棘圍飛旆涖嚴闈
荆山玉璞呈和氏
燕國金臺致劇辛
健翮當風培萬里
弱毫結陣掃千人
昌時加意勤

清問莫負紛綸井大春

斗魁高擢接星台
首善人文上國才
科第摘髭誠易耳

英雄入彀信奇哉鵠袍有淚臨風洒虎榜無私傍日開
更喜觀光承

御蹕歡迎夾道拜恩來

光華日月聚搏搏綵筆誰將象緯干風雨魚龍相混易
風塵登屨脫離難司徒六行非空舉宵雅三終早肄官
聖主旁求申命切肯教點額恣摧殘

鯢桓雀躍意飛沉

當宁咨嗟動遠吟馬勒朝銜千壁靜魚鱗夜簇萬燈深

珠璣詎抵賢為寶梁棟先儲士作林不薄讀書真有味
皇言肫切感人心

恭和

御製翰林院宴畢

駕幸貢院七律四首元韻

劉綸

堂開鳳味際昌辰

華蓋遙臨望

帝闈此日

宸遊增物色經時文戰憶艱辛風雲並護三千籍雨露
先霑十八人踏徧槐花秋報罷行看珊瑚網結來春

千將有氣叶中台黃榜齊登重茂才文史三冬應足矣
名經千佛信佳哉祇知凜北風多便爭許終南徑別開
自此登龍真得地

至尊親駕六飛來

脩翅垂天任擊搏誰矜采筆昔遊千每懷

宵旰求賢切彌覺文章報

國難策射天人推漢制書升道藝重周官扶輪大雅資
真賞不獨芸窓飽蠹殘

明遠樓前漏欲沉五通十帖記披吟頻年襍硯慚材拙

兩試持衡感遇深

乾隆戊午己未鄉會兩試臣綸並蒙恩命充同考官

敢以

微涓量學海祇期弱草藉華林鐫闡聽譜迎

鑾曲萬品鈞陶荷

聖心

恭和

御製翰林院宴畢

駕幸貢院七律四首元韻

嵇璜

光動魁躔紀瑞辰

鑾輿新貴鎖闥闈求賢

聖主如饑渴挾策真才獨苦辛
玉尺平量期獲雋金針
暗度屬何人龍門此日紆

宸顧寒谷吹噓總是春

蒲觥文章耀鼎台

朝廷立政在儲才知人則哲誠難矣觀國之光尚勗哉
天筆大書珠斗煥

帝歌庸作慶雲開從今郭隗臺邊路不數千金買駿來
前程九萬儘扶搏忍困藩籬不上千五色賦成迷目易
三條燭燼稱心難惟憑雅正師多士肯以浮華炫試官
博得

天顏回一笑短垣猶剩墨痕殘

棘院行行景象沉巡簷凝睇想幽吟政先釐剔頽風挽

澤溥滋培

至意深遠溯源流澄道派盡刊枝葉振詞林千秋衡鑑
應相勵報

國先酌造士心

恭和

御製翰林院宴畢

駕幸貢院七律四首元韻

張映辰

鸞旂玉輅耀三辰萬騎喧闐溢

帝闈文運宏開週再甲棘闈

親幸值先辛

是日庚午

清班共集蓬瀛宴綺陌曾傳龍虎人

紉縵光華歌復旦不徒桃李滿城春

奎壁星明映斗台珊瑚鐵網試真才三條風燭脩嘗矣
萬里雲鵬不易哉丹桂有香從月落碧桃和露向春開
天街策馬看花徧莫忘門前鵲立來

雲翼乘風九萬搏豐城光氣屬吳干文如翻水成偏易
中擬青錢選極難自昔賢書傳盛典即今

聖治重儒官

右文雅意知辛苦好向芸編共抱殘

銅龍水咽漏聲沉記向

螭坳珥筆吟

三殿常瞻

金闕迥五雲回首玉堂深追陪宴序遊文圃廣和詩才

媿學林叨被

殊榮何以報壺中一片矢冰心

恭和

御製翰林院宴畢

駕幸貢院七律四首元韻

于振

儒風有幸際

昌辰欣迓

鑾輿出

紫闥自是

一人勤教育非闕多士歎艱辛誰知

雲棟繙經日時厓風簷刻燭人拜頌

天章多感泣禹門鱗鬣盡回春

妙簡名臣佇鼎台三年大比為掄才試思不媿科名者
此志寧惟溫飽哉桃杏已隨佳日種芙蓉亦向小春開
三千弱水天風勁曾見颺輪幾度來

溟海天池儘控搏何曾草澤老方干果如飯顆耽吟苦
不患陽春賞識難


帝世四門明

舜目

盛朝六典重周官
春風苦啖紅綾餅
勿笑蟲牙老齒殘
潛鱗健翮異飛沉
蟋蟀經秋亦解吟
琴遇鍾期思愈切
驥逢伯樂感彌深
從教乳燕栖文棟
兼許巢烏集上林
雅意旁求羅俊彥

天書昭揭

聖人心



皇清文穎卷九十

欽定四庫全書

集部

皇清文頴卷九十一

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王鍾泰

謄錄監生臣畢所諱

謄錄監生臣張士琛

欽定四庫全書

皇清文韻卷九十一

詩

七言律詩

恭賀

御製翰林院宴畢

駕幸貢院七律四首元韻

表曰修

棘闈光采動星辰
駕在鱗鱗接

紫闥運際龍飛天甲子風高鶚薦日庚辛論文自詡千秋事挾策爭來萬里人漫說此中桃李盛吹噓都屬

上林春

祥凝五緯聚三台應運誰為特達才經術一時推學者股肱他日待良哉

天章遍許儒林誦

仙榜新從藝圃開曾是諸生攻苦地不圖親見

至尊來

閨苑翩躚鶴影搏瑤臺十二碧闌干試看雷雨經綸起
未覺風雲際會難首闢四門符舜典載申三物重周官
聖朝玉尺高懸處不使良材爨下殘

擗管曾驚畫影沉春蠶食葉憶孤吟有懷漫比漣漪淨
被

澤真同渤澥深認謂文章抵鐘鼎不將廊廟負山林風
簷舊夢驚回首猶是青燈十載心

恭和

御製翰林院宴畢

駕幸貢院七律四首元韻

陳邦彥

奎騰東井應昌辰

帝輦遙臨下紫闥
纔向鳳池歌宴衍
又從棘院閱艱辛
千行試舍邀

宸睠萬類洪鑪荷

聖人一自

翠華遊幸後鵬霄鶯谷盡生春

賢書自昔寄中台選駿頻收馭遠才五色文章非易也
九重殛命曰欽哉青燈夜雨連宵課紅杏春風傍日開
攻苦寒窗蒙

睿咏

恩隨墨瀋自天來

漫說長風萬里搏從來詔祿豈容干生逢

聖世飛騰易身入賢關報稱難俊乂闢門符舜典明經
多士擬周官

鑾輿已度龍門影
棧樸登歌尚未殘

天意憐才詩思沉
簷風寸晷動高吟
至公堂上秋雲淡
明遠樓中碧月深
甲乙品題歸水鏡
珪璋磨礪得瑤林
還鑣追憶紅綾夢
更凜冰淵精白心

恭和

御製翰林院宴畢

駕幸貢院七律四首元韻

鄂容安

玉堂高會近星辰
試院鳴鸞

紫禁闈巨典鴻文超令甲景雲旭日正先辛

是日庚午

從容

天步登龍路辛苦風簷立鵠人瑞氣珠宮渾不散賢闕
草木盡回春

地憑北斗映三台桂籍槐廳引彥才

君子游歌真樂只文章場圃亦雄哉風簷月燭千廊寂
意蕊心花一院開貢樹分香

天語接他年公輔此中來

長風羽翼試高搏氣象虛傳彩筆干誠正由來與已切

才華到底報

恩難鎬豐雅頌尊周士賈董風規貢漢官省識寸心關
得失秋江應不怨凋殘

霓旌鳳唳晝沉沉雲路鵬程入

聖吟千載持衡

天鑑在百年養士

國恩深芙蓉敢有先傳鏡桃李誰言自得林科第須從
忠孝副雲霄儀羽

九重心

恭和

御製翰林院宴畢

駕幸貢院七律四首元韻

觀保

至德垂裳拱北辰恭惟

仙仗越城闔頒來

丹詔逢先甲算到良時屆下辛

二十八日辛未

零露已霑儀鳳

侶和風兼拂聽鶯人棘闈咫尺金坡路十月春如二月

春

遙望丹梯接曙台
網羅欲盡碧雲才
遭逢如此人知否
辛苦猶蒙

帝念哉萬歲三呼千載會

重瞳一顧四門開
柳邊蹀躞金臺駿
知為麻明作瑞來
敢道憑空一鶚搏
培風訝許九霄干
花因向日開常早
草喜逢春綠不難
屈指四年膺

寵命衡文三度典
寒官追陪此地

恩尤切報稱常思五夢殘

星臺萃律玉璣沉北斗城邊萬籟吟天運左旋清漏迢
日華東出慶雲深畢箕風雨從民好奎壁文章徹藝林
一豫一遊關繫重

帝王心是化工心

恭和

御製翰林院宴畢

駕幸貢院七律四首元韻

于敏中

斗牛光氣應星辰尺五天南接

帝闈文運百年周甲子秋期八月過庚辛為

臨丹禁蓬山地還

念青衫席帽人鎖院盛傳

車駕幸一時寒峻總生春

聚奎堂迥接中台此地三年一選才漫說功名偶然耳
亦知科第豈徒哉金臺本為求賢築珊瑚網原因籲俊開
寄語槐花忙裏客好從洗髓伐毛來

璇榜

天題一氣搏兩行珠琲耀闌干若論觀國才非易語到
知人哲最難萬選伊誰如學士三升自昔重周官小臣
却憶當年事幾度風簷聽漏殘

日麗龍門曉霧沉文昌風景入

高吟花開桂落憐甘苦雲路鵬程閱淺深持鑑敢忘清
似水儲才還冀盛如林萬間廣廈千秋遇總是

君師教育心

恭和

御製翰林院宴畢

駕幸貢院七律四首元韻

董邦達

文教昌明際此辰五雲佳氣護層闈
奎垣正耀重開甲
異命時申自納辛巳集蓬池傳鎬宴更臨棘院作周人
多將萬點

恩波雨灑遍千山桃李春

清時灼灼啟英台

帝念殷殷育俊才儒術真堪經世也制科豈是為名哉
三秋蟾影香初馥二月仙姿紅又開多少風簷辛苦淚
翻從感激

聖恩來

積厚方將九萬搏可容輕易向時干傳薪有學斯無忝
翻水成文未足難自古闢門開盛典

熙朝敷政屬儒官程才大小周時用莫便迂疎但守殘
賢關咫尺判升沉回首當年鑠院吟忝與持衡慚識淺

肯教張網畏淵深
昭回雲漢欽

天藻樂育菁莪滿
士林屢被

恩膏難報稱
願將冰雪勵臣心

恭和

御製翰林院宴畢

駕幸貢院七律四首元韻

宋楠

纔看冰署集星辰
又見

鑾輿轉鳳闈
校士此間分
甲乙撤闈前
月紀庚辛洵知

上苑鳴珂侶原是風簷剪燭人
兩地儒紳俱望

幸珠旂隨處佈陽春

蕊榜人多位鼎台經綸端藉出羣才
文期有用為佳耳
士聽無譁尚慎哉壁府占祥星再耀
史臣紀事帙重開
乾隆九載初冬吉

大駕親臨貢院來

鵬背長風九萬搏摩霄有路豈須干
冰甌雪碗盟心易
月斧雲斤措手難
題目

禁中由

御定主司簾內異麤官千金得士期登用莫注蟲魚但
守殘

等閒雲路判升沉甘苦何期入

睿吟一代制科風尚貴百年

文教濯磨深

龍章並仰書垂露鶯谷行看羽出林共慶生民來未有
帝王如此愛才心

恭和

御製翰林院宴畢

駕幸貢院七律四首元韻

鶴年

譽髦斯士慶逢辰

仙仗爭看溢巷闔棘院

親臨逢再甲風簷遍覽念多辛
飛鳴益奮搏霄翼
羣趨應無失路人

鸞輅所過如挾纊不關候值小陽春

寶翰輝煌照斗台

旁求至意屬真才無私鑑物湏淵若有志觀光尚勉哉
詞館清華門益闢蓼蕭譽處宴新開相期握瑾懷瑜輩
盡入瀛洲座裏來

文陣湏將大力搏袖中行卷漫輕干弊清簾外蒐羅易
題出

宸衷擬議難自此諸生歸就學更無捷徑去求官三年
養得凌雲氣不怕天香桂子殘

龍門咫尺判升沉特軫

皇情寄雅吟辛苦三場天不負漸摩百載澤尤深愧非
經笥叨師席漫向鱣堂課士林弦誦各教敦實學菁莪
仰副

育才心

恭和

御製翰林院宴畢

駕幸貢院七律四首元韻

吳應枚

駕蒞瀛洲燕喜辰載

巡棘院繞闌闔詞曹榮並卿和相甘味回思苦共辛放
眼選場誰是佛殫心舉業始成人小春

旭日迎仙仗

賜與青陽左个春

奎光萬道接三台百載陶成間世才雲漢為章歌倬彼
海隅時舉詠康哉桂培蟾窟先期種雷動龍門特地開
多少青袍齊額手今朝親見

翠華來

三千水擊羨扶搏綵筆曾聞氣象干市駿有臺還鄭重
梯雲得路本艱難直從根柢端儒術常以公明勗試官
要副

九重臨幸意敢希弋獲守叢殘

鑾輅迴翔晝漏沉鹿茸魚藻矢清吟紅雲一朵瞻

天近樺燭三條想夜深如璧如圭珍待聘樹人樹德蔚

成林玉堂遙望

恩同戴汲引惟期表素心

恭和

御製翰林院宴畢

駕幸貢院七律四首元韻

德保

鑾輿初降棘圍辰士氣文光滿

帝闈倩補

袞龍修黼黻擬調鼎味試酸辛焜煌翰墨昭千古赫奕謨猷仰

一人致囑朱衣詳點額培成桃李待先春

昭明奎壁接三台

天步巡行重勸才際遇

明君將仕矣韞藏美玉待沽哉崔巍虎觀千尋上閭闔
龍門四達開定有英賢孚

帝望賁然會見白駒來

仙仗來臨五鳳搏緣求鴻鳥漸於干共知入仕如今易
始信為

君自古難

聖意周詳憐士子公車感激奮

王官洪鈞鼓鑄斯文運不比尋常補缺殘

昭融和霽晝沉沉景物歡承

睿藻吟士習教成敦古樸

天才神縱仰

高深鶯聲幾處鳴幽谷春色新年發杏林從此

恩波籠鎖院觀光應勉致

君心

恭和

御製翰林院宴畢

駕幸貢院七律四首元韻

秦勇均

鸞旂飄拂燦星辰
文士歡迎傍鳳闈
欣覩棘闈輝氣象
更煩

瑤翰詠艱辛
十年寒暑橫經客
萬里關山獻策人
自入宸衷加愛惜
螢窗雪案總陽春

文昌光氣近三台玉尺平量

盛世才軍夢火山祥兆矣城飛聊矢意雄哉龍門轉盼
桃花麗蟾窟遙瞻桂子開從此揮毫添得意並誇曾接
聖人來

展翮羣思九萬搏最憐及第似方干莫言千仞登梯易
曾悵三年入穀難伯樂未逢空入市卞和幾次獻當官
兩廊燈火今回憶七札穿來月影殘

淵底珠光豈久沉五雲多處聽龍吟層霄奎壁流輝遠

四國菁莪被澤深

法駕經臨歡士氣

宸章傳誦寶儒林
草茅聽說叨

光寵倍矢傾葵報

國心

恭和

御製翰林院宴畢

駕幸貢院七律四首元韻

栢謙

三載從傳貢士辰試闈常傍禁城闈玉堂幸沐

新恩渥棘院寧忘舊日辛通籍正宜思故我濡毫原是
此中人欣瞻

鳳輦親臨幸纖草齊涵大造春

科名自古應奎台衡鑑還須別茂才雲漢作人非偶爾
菁莪養士豈徒哉十年面壁蓬扉扃一日登雲葉榜開
甘苦休言人莫喻曾看此地

翠華來

垂天羽翼任鵬搏鎖院森嚴未敢干螢火聚光窺慘淡
蜂房釀蜜識艱難青雲得路趨

雙闕白首窮經効一官多少幽情歸

睿鑑底因遲遇惜衰殘

科名得失判升沉下里休消白雪吟景慶喜符昌運瑞
文章思報

國恩深

賜觀睿藻趨

瑤陛遠播

綸音遍藝林會向金門看釋褐輸忠誰不罄丹心

恭和

御製翰林院宴畢

駕幸貢院七律四首元韻

張映斗

蓬池魚藻樂嘉辰載

幸文闈近綺闈臺笠四周瞻氣象

鑾輿一顧念艱辛青雲納履非無路白首懷鉛大有人

簾月燈風湫隘地

宸光煦煦即陽春

席帽隨身志鼎台
幾經磨礪盛年才
心追作者良難耳
論少卑之曷尚哉
織錦每誇新樣改
栽花休問故園開
龍門莫悵秋濤冷
瀛海

恩波汨汨來

鵬鶚俱從雲路搏
禮羅豈屑雉媒干
明珠十斛平量易
寶劍雙精鑒識難
三策天人光漢詔
九年選造重周官

法宮正鼓雲和瑟肯使焦桐爨下殘

海天魚鳥各飛沉叨與看花馬上吟昔夢尚驚三榜發
新篇載紀五雲深昇平潤色歸經術大雅扶輪廣學林
玉尺金衡

天賜予儒臣長合矢冰心

恭和

御製翰林院宴畢

駕幸貢院七律四首元韻

徐景熹

養士掄才撫五辰

翠華曉日出重闌
風簷晷度雙九速
樺燭光添五夜辛
南省探花曾有使
秋林攀桂更多人
紛紛經術邀知遇
試問誰如井大春

文昌列宿耀三台
雲漢為章肯育才
匣有寒芒歸識者
匱多美玉尚沽哉
驂騑自見馳驅穩
桃李還欣爛熳開
珍重書升成

曠典棘闈喜迓

六龍來

展翼皆期九萬搏原知天祿不須干名經千佛題非易
健翮三秋奮未難抱璞久應邀巨眼席珍果識重儒官
風雲多士霑

恩渥感激

天心滴淚殘

鎖院森嚴夜柝沉撫髭抱膝費清吟璫璣可有良工琢
杞梓真邀大澤深桂蕊芬時環寶樹杏花開處上春林

作人棧樸逢

熙運簡在均宜報

聖心

恭和

御製翰林院宴畢

駕幸貢院七律四首元韻

楊述曾

紀元甲子際昌辰雲漢昭回麗九闔鰲禁濡

恩歌宴樂龍門紆

念涉艱辛華筵此日簪毫侶短策當年席帽人

特賁紫泥移

鳳輦一時藝苑總迴春

弭地三條映斗台

聖朝羅網重英才振興士氣俱升矣稠疊

王言實大哉棘舍萬間雲色燦風簷四面日華開那知
燭淚燒殘處也入

重瞳盼睽來

培風鵬翮任飛搏勿以求心逐野干便腹五經真不易
摘鬚一第未爭難文成黼黻方華國筭有衣裳省服官
三尺短檠看尚在書囊無底讀更殘

春蠶食葉晝沉沉鳳唳堂前幾度吟名次臚雲邀

簡擢家仍

禁蘂荷

高深一條冰繫膺華選二丈光分照上林更咏詩篇新
棧樸金相玉琢答

皇心

恭和

御製翰林院宴畢

駕幸貢院七律四首元韻

鍾衡

蓬瀛宴罷值良辰

鳳蹕欣過

帝里闔官舍深嚴無請謁
棘闈料峭倍艱辛應知他日
登龍客不負當年題柱人
萬里鵬程從此始彈冠共慶

玉堂春

榮光熠熠耀三台為國須求俊人才永鑑玉壺長在否
龍雕虎繡實雄哉三條燭盡文星燦五夜風清鎖院開
最是月中攀桂客聯翩俱赴鹿鳴來

風簷咫尺欲鵬搏十丈文星射鏌干曾是槐黃情最切
由來棘綠景猶難清華有路堪酬志

明主憐才不惜官身際

聖朝文物盛莫教歲月易摧殘

明時顓俊念升沉得失雲泥入

帝吟三載賓興宏典禮百年培養沐高深一行

鳳詔頒中禁五色龍旂出上林黃闥小臣同拜獻賡歌

敬體

聖皇心

恭和

御製翰林院宴畢

駕幸貢院七律四首元韻

程鍾彥

龍光燕喜慶芳辰

帝引奎靈駐綺闈
杏苑南宮儲甲乙
桂輪西顙應庚辛
長開科目登良士
廣貯圖書待學人

鑾輅親臨宏沛澤
成蹊桃李已含春

銀漢光芒接斗台
作人雅化起英才
致身雲路誠榮矣
稽古行間尚勗哉
道域已隨

天步闢賢關特荷

聖恩開蓬山
倬直揮毫彥都是

鴻鈞陶鑄來

扶搖九萬效鵬搏白雉青雲直上千閭苑迢遙瞻亦近
天門誅蕩到非難神凝如坐清華館心靜誰移耳目官
摹得廟堂鐘呂韻硨磲未覺漏聲殘

聯翩席舍晝陰沉下筆聞聲戒朗吟自古文章崇正始
從來淺陋即艱深天池芹藻涵

宏澤

上苑鶯花異衆林承乏掖垣宣

德意竹梧長表向陽心

恭和

御製翰林院宴畢

駕幸貢院七律四首元韻

鄒一桂

棘闈

臨幸及茲辰翠葆風和接九闈入彀英才爭踴躍思文

聖主識艱辛

巡遊寵被龍門客拜舞

恩霑雁塔人

錫下彤章雲五色難教白雪和陽春

文章天祿曜三台珊網宏收報國才共體

乘乾常惕若尚思稽古凜欽哉紅綾宴自篝燈集丹桂
香因種德開今日持衡舊懷璧莫忘甘苦此中來

萬里扶搖豈易搏青雲有路不須干攤書五夜窮經苦
破浪三門歷級難理發程朱如月印文卑屈宋是衙官
更知為國求賢意仕學兼資讀未殘

功名得失豈浮沉把卷還須仔細吟
鹿苑看花承燕喜
鳳池歸燭受

恩深遠栽桃李敷邛筑舊采參苓入桂林
此際從遊來
藝圃敢忘冰玉勵臣心

恭和

御製翰林院宴畢

駕幸貢院七律四首元韻

孫灝

鳳沼銜

恩宴吉辰龍津駐

輦瞰重闈頻瞻

日表

天巍煥頻改風簷地苦辛玉筍競誇門下士紗籠曾護
榜中人爭如雨露培根渥桃李金城萬樹春

文昌座迥冠三台

帝為蒼生佇上才第一官求誰可者無雙士貴豈虛哉
宮蟾乍喜凌雲接林杏先思向日開盛比橋門觀聽萬

鎖闥驚見

翠華來

滄溟六翮此鵬搏立鵠孤寒又若干

顧盼自

天儒不賤典文從古見猶難風前畫燭然深夕筆底春
蠶動試官冰鑑丁寧勞

聖訓夜珠投恐目光殘

桐井朱門列棘沉

宸襟清暇入高吟鄉三物後書升重

國百年来養士深

仙仗雲排光席舍

天章日麗照儒林

小臣

窺管知誠陋籲俊惟期永

德心

恭和

御製翰林院宴畢

駕幸貢院七律四首元韻

楊開鼎

日旌月羽拂三辰警

蹕來遊雉堞闔欣展

舜顏臨太乙競瞻

堯顙類高辛沙堤方宴登瀛客棘院來觀負笈人夾道
歡聲騰

御氣小春今正勝陽春

文昌六宿接三台珊網宏羅四字才共矢冰心惟謹爾
敢忘

寶訓往欽哉半簷低處祥光擁一鑑懸時景運開說與
橫經諸髦士龍門信有

六龍來

六月培風萬里搏青雲綵筆也能干懷中瑜瑾酌金鑑
字裏珠璣勝木難自昔天人推漢策由來俊乂屬周官
離蔬湏副旁求意莫向空山啖芋殘

銀河一抹夜初沉畫角聲中費苦吟玉尺平衡多士奮
龍文軒翥五雲深收羅經術歸藜閣珍重科名比桂林

自佩烏囊何所報

皇猷願贊育賢心

恭和

御製翰林院宴畢

駕幸貢院七律四首元韻

周孔從

奎文璀璨應昌辰鎖院重重拱

帝闈幸倚玉堂叨

寵眷敢忘雲路共艱辛鹿鳴芬野歌君子鳳翹梧桐詠

吉人總為崇儒增

曠典

翠華行處藹陽春

雲凝華蓋映三台
璇曜靈鍾命世才
文治薰蒸風尚矣
重闈蔥鬱氣佳哉
黃槐結蔭含秋爽
紅杏催春報曉開
海底珊瑚澄鐵網
一時爭道獻琛來

坐看雲鵬九萬搏
鏡湖那復滯方干
情知老鶴冲霄易
肯信新鶯出谷難
顙俊四門光舜典
賓興三載重周官

皇情更軫風簷苦不負春蠶食葉殘

香焚紫案晚煙沉校閱曾分剪燭吟

今秋京兆試士臣奉命分校細

領文情秋月朗難描風景夜堂深光含寶氣侵珠匣露

浥清芬滿桂林重捧

天章雲漢表羣才樂育

聖人心

恭和

御製翰林院宴畢

駕幸貢院七律四首元韻

邵齊燾

棘闈榮幸值昌辰

鳳蓋鸞鈴歷翠闈
儒雅銜欣資化育

宸居徹邃念甘辛
衡梁攸寄

皇多士雲漢為章

聖作人甲子恰逢新
日至

帝車指處即陽春

早為他年慎鉉台
鎖闈

行幸重掄才

前旒俯察誠明矣

元首賡歌曰喜哉桐梓維楨知地敏山川欲雨睹雲開
英賢從此相望出何待箕星入夢來

九萬風區大翼搏清時爵祿不須干惟賢自以身為取
則哲誰云

帝所難利見

飛龍瞻首物書升司馬慎論官丁寧寄語觀光士磨礪

寒窻共抱殘

春秋代序此飛沉虎嘯龍興蟋蟀吟樂育多方食德舊
旁求在念荷

恩深彈冠好勸賢能駕炤藝教遊道德林慚愧微臣預
斤斲永持清慎答

皇心

恭和

御製翰林院宴畢

駕幸貢院七律四首元韻

寶光龔

盛典初開選吉辰詰明

鳳駕出重闈聯珠共睹奎光燦饌玉偏知蓼味辛濶到
海波能育物明如火受同人直教未脫藍袍者也沐
陽和大地春

熙朝元化接元台崇雅無庸輕艷才樂備禮明觀止矣
蘭馨桂馥氣佳哉周三物要諸生備虞四門看此日開
山岳由來資土壤儘容一得罄懷來

摩空健翮倚雲搏愷悌憑將百禄干合有魁儒推學富
免教

聖主嘆才難文章自要爭千古科第寧惟博一官萬事
心花能結撰墨花開處燭花殘

三條燭盡漏聲沉嚼徵含宮費苦吟誰似賈生能策治
漫希揚子好思深圭璋有價諮都市梁棟須才訪鄧林
自古人文關國運虛公端合體

皇心

恭和

御製翰林院宴畢

駕幸貢院七律四首元韻

張泰開

鎖院奎躔協五辰

日華門外鳳城闈欲培士氣歸長養尤愛儒生耐苦辛
禮樂百年隆籲俊明良千載在知人蓬山宴後

龍旂出

寵賁風簷萬國春

延英講席接元台為闢賢關擢俊才傳世文章特末耳
匡時事業豈徒哉丹心自有冰壺潔寶氣先由鐵網開
紉縵

天書丕煥後共將衡鑑記從來

鵬程自昔趁風搏未許蜩鳩妄意干得失總由人事判
推敲應覺匠心難含經便欲窮三篋對策非徒効一官
多少儒臣隨

鳳輦濡毫猶憶燭花殘

十番棘院愧浮沉
長對青燈擁袖吟
幸拔泥塗驥首後
方知雨露沐

恩深驂騶合與開
先路燕雀何期托

上林此際傾葵圖
報答承明莫負

聖人心

六言律詩

鏡水雲岑應

制

趙熊詔

近水遙岑交映鏡光雲影相涵平開一片皎潔亂點長
空蔚藍鑑洗獨澄秋月霞披常對晴嵐天然別苑圖畫
佳處全憑靜探

皇清文穎卷九十一